

中央研究院  
歷史語言研究所  
校印本明實錄附錄之一


明  
□  
宗  
□  
皇帝實錄

249/0401

民國二十九年長樂梁氏影印江蘇  
省立國學圖書館本明實錄收有明  
宗皇帝實錄一書，其作者不  
詳，今據以影印。

明  
□  
宗  
□  
皇帝實錄

天啟七年九月  
至十二月



明宗 皇帝實錄卷之

九月甲子朔分鎮桃林口太監楊朝報插漢虎墩兔以醉為婦哈  
叱刺死插漢地名元小王子之裔嘉靖間插漢打來孫避俺荅之  
強與子土蠻火成等自宣府塞外移遠左順福餘諸部以自立土  
蠻生下彥卜彥生虎墩兔原與俺荅吉囊兄弟同姓實插主而俺  
荅臣也俺荅封王後至卜石兔得素臣之妻兼併其地虎墩兔復  
強卜石兔走河套建原雖畏插漢以其淫貪失馭易餌也插漢曰  
西向蠶食白言諸部

東廠太監魏忠賢乞辭任不許

平遼總兵毛文龍奏不平五事乞身求代不許

丙寅奉聖夫人容氏出外宅

太監魏忠賢乞免戶部喪禮香蠟三萬金從之

西虜犯寧夏鎮朔堡洪廣營總兵吳盡忠拒卻之

總督倉場戶部尚書蘇茂相請復放折兩月之例從之

丁卯司禮太監王體乾辭任不允

戊辰平遠總兵毛文龍許乏餉

定頒詔使臣

己巳戶部尚書郭允厚言國諱印色藍易濃溷請錢糧事獨硃印許之

庚午巡撫宣府右上都御史秦士文為兵部右侍郎兵科都給事

中楊所修為南京通政使

戶部奏令山東河南北直漕河黃河兩岸二百里內郡縣應解金  
太倉京邊各照時價改本色運至河上官自為解庶軍民交濟上  
從之

題據天津戶部尚書黃運奏預計關門內外糧料計關內兵六  
萬各月未五斗歲支共七十六萬七千六百石班軍兩防該米七  
萬二千石馬騾二萬四千匹四月至十月月九斗十一月至三月  
月一石二斗歲共二十九萬五千二百石預備料豆二萬石計關  
外兵八萬歲支米四十八萬石班軍二萬歲支四萬五千石加預  
備糧米三萬五千石馬騾三萬五千匹歲支豆四十三萬五百石

加預貯料豆三萬石通計未豆一百七十八萬三百石米派臨清  
德州倉餘未慮鳳淮揚召買豆派畿郡召買外有鮮米十萬石解  
布萬匹俱宜先期料理部覆從之

定先帝山陵於澹峪嶺

李申御門

丙子朝鮮國王李倬告國論先帝已棄羣臣朕嗣位其知之

瑞王府成督工漢中工部郎中王惟先入朝奏頌倣臣

戊寅敕三殿功廢內臣錦衣衛指揮僉事十二人正千戶四十七  
人

故貴州總兵官魯欽贈少保諡

立祠廢本衛指揮僉事世襲

己卯右副都御史署南京通政司使楊所修言兵部尚書崔呈秀  
工部尚書李養德大僕寺少卿陳殷巡撫延綏右都御史朱童  
蒙俱奪情非制上責其輕詆

工部尚書解鳳翔求發帑百萬有事山陵命半之

庚辰進李從心太子太師李精白劉詔兵部尚書兼右副都御史  
進張繼世山東按察使孫織綿山西右布政使兼按察司僉事仍  
故

壬午許太僕寺少卿陳殷守制其兵部尚書崔呈秀不允

癸未宰賽百餘騎犯 參將高敷拒之擒七人

甲申上聖母貞靜賢妃劉氏尊諡曰孝純淵靜德順肅恭毗天鍾



聖皇后

丁亥國子司業朱之俊論監生曹代何陸萬齡儲富奇誑祠挾道  
宜罪命下獄

戊子諭停刑

督師遼東兵部尚書王之臣言西虜都令色倬乃繼黃把都等以  
數萬人東投建 幸其部落多不願往建 亦疑忌不令渡河其  
部衆已大半西投虎墩兔懸今乃蠻黃把都部落夷目能乞免全  
歹青等男婦共五千七百三十來降臣令總兵杜文煥尤世祿侯  
世祿朱梅副總兵王牧民祖大壽受之下部議降夷置塞外  
兵部尚書崔呈秀等奏廣納事例

太監魏志賢乞止建祠上優答之其前賜額許如故餘輟

已丑巡按陝西御史袁鯨上言秦隴以西巖險鳥道一夫當關萬  
人俱廢過此階文微成番漢雜居虜徒嘯聚又過此河州之西即  
海虜蘭州之北即松虜海虜兄弟八枝兵十數萬乞慶台寺黃台  
寺嚴點黃酋見住西寧七月內叛番黃明策為引導縱橫於松山  
鎮鎮間每借市馬入城勾連北虜今且岌岌矣甘鎮兵馬減於援  
邊京運緩於呼庚至臨洮靖靖洮岷兵糧俱西安鳳翔平涼額編  
民運今久至一二年何以稱有備無患也

庚寅立妃周氏為皇后嘉定周奎女選妃日投奎南城兵馬司副

指揮今進軍都督府同知

進張素養右副都御史專理京營挑祚端為太僕寺少卿朱大啟  
為太常寺少卿提督四夷館太常寺少卿陸文獻為太僕寺少卿  
吏科都給事中陳爾翼為太常寺少卿

太師寧國公魏良卿少師安平伯魏鵬翼並給鐵券

辛卯詔曰朕聞坤順承乾兩儀乃以奠位內治贊外六合斯以蒙  
休王化攸關典禮是式朕荷天眷命序纘洪圖深惟儀刑於萬國  
宜首崇位於母儀妃周氏受命先帝配朕潛邸含章體順懿範克  
紹前徽率禮臨諫淑德允稱作合是用祇告天地宗廟社稷以九  
月二十七日冊立為皇后正位中宮於戲佐一人以主壺弘開有  
道之長叶三靈以永綏並衍無疆之慶布告中外咸使聞知先是

詔曰朕惟思深鞠育孝天專親自古帝王暨王暨我祖宗列聖膺  
圖續祚莫不致隆所生蓋以昭罔極之報而教民孝也恭惟聖母  
先大舍弘幽閑貞靜輔翼皇考誕予眇躬勤顧復之洪慈勛勞靡  
替廣啟迪之懿訓諄篤有加朕茲獲以幼冲寅承大寶瞻維兄終  
之及寶絲慈慶之鍾至德難名尊養靡及爰舉哀榮之典或昭追  
報之思參稽禮文專崇諡號乃於天啟七年九月二十一日祇告  
郊廟社稷奉冊寶恭上專諡曰孝純淵靜慈順肅恭毗天鍾聖皇  
后先遐禮於九泉播休聲於八表於戲至哉坤元詎模聖善之彷彿  
渙茲大疏用昭祥發之根源布告華夷咸使知悉

癸巳巡撫江西右僉都御史楊邦憲巡按御史劉述祖各疏頌獻

臣請祠不許

明宗 皇帝實錄卷之

明宗 皇帝實錄卷之

十月甲午朔廣西大盜胡扶龍平初潯州之龍山扶龍據之

丙寅掠上黃村及於武平守備蔡文龍敗洸廣西巡撫王尊德以副使潘應龍勦之集左江兵三千七百人以參將康承爵願之徵右江兵四千餘人以參將范景文願之二月進師得賊黨廖扶四為內間知胡道責為謀主遣土舍陳威說道責勸賊歸巢巢威等伏兵於旁執之兩江之盜始息

丙申工科都給事中郭興治言五事開經筵勤召對慎起居補考選課職業上是之

丁酉陽和衛正千戶劉致祖封新樂伯繼祖錦衣衛都指揮同知

封后弟姪文炳文耀並兵馬司副指揮周奎為都督同知

司禮太監徐應元詹錦水衛都指揮同知王之政王國泰王永祚  
詹指揮使又詹徐恩元周世德商輔明正千戶曾文學張宗德李  
承恩徐延年商作霖黃一魁李天壽副千戶王之政王國泰王永  
祚范壽寧百戶又藩舊御前太監王佐陳秉政齊本正張永慶王  
永年詹百戶並世襲

己亥故大學士魏廣徵贈太師故

凌子優贈太常寺少

卿王繼曾為太僕寺卿諸允修為光祿寺卿鎮安伯徐汝孝進太  
子太保

進大學士黃立極太保施鳳來張瑞圖李國樞左柱國兼吏部書

俸各廢中書舍人

翰林院檢討師雅助等頌 孝純皇太后於諸王

太監涂文輔搜太倉節省餘銀萬二千金進備恩賚上善之

庚子上憲宗達天闡道教孝篤友章文襄武端靖穆莊勤愍皇帝  
初本哲上定為愍

辛丑頒詔於天下

遺東前屯水燬三千八百餘家

吏科都給事中陳爾翼言南京通政使楊所修奏仰體聖孝諸部  
臣屢疏乞去夫君臣上下可相安無事而播弄多端萬籟不斷聞  
東林餘孽偏布長安欲生事生風憂不在小乞勅下廠衛五城緝



訪有旨羣臣流品經先帝分別澄汰已精朕初御極嘉興士大夫  
臻平康之理不許揣摩風影致生枝蔓

御史李蕃賈繼春為太僕寺少卿

許浙江提學副使樊良樞致仕

辛丑詔曰帝王盛德弘施昭懿範於當時者皆有顯號令名祔諸  
廟享傳之萬禩蓋非獨表章前修正以永垂後美也茲惟皇兄大  
行皇帝仁孝承先憂勤勵治兩朝聖德經闡繹而炳若日星三極  
宸居善繼述以垂茲堂構王道正直挈繩準於朝端聖武旁昭暢  
威靈於遐域蓋惟知人而善任以致外攘而內安御宇秉乾於茲  
七載故休徵之疊至謂曆數其未央何期一人宵旰之勤竟貽率

士樂疏之痛願余京德聲燁丕基念在耳之遺言愴因心之難報  
遙進前烈用率舊章協衆論之命同薦鴻禧於不朽乃於今十月  
七日祇告天地宗廟社稷恭奉冊寶上大行皇帝尊諡曰達天闡  
道敦孝篤友章文表武瑞靖穆莊愍哲皇帝廟號憲宗於戲賓天  
之駕雖遠敢忘陟降載德之名無巽尚見冥牘布告萬方咸使知  
悉

曹履吉為光祿寺少卿添註

出寅翰林院侍讀徐時泰檢討雷躍龍李若琳補日講官

大理寺右寺正許志吉報籍吳養春家資共六十萬五千有奇程

李慶十三萬

大學士黃立極等請開經筵命侯明春日講即十六日始

司禮太監王體乾魏忠賢詹衣衛都指揮命事贊襄典禮也

增武舉二十人

命中軍都督府 總兵王世忠出關撫夷世忠故南關道裔也

仇達 來歸與虎墩兔懸為姻當使候其營故督師王之臣奏達

姚士慎蔣士聰為大理寺左右少卿

王濬為太僕寺少卿吳光義為南京太常寺卿

朝臣各捐助陵工

甲辰傳山海中路總兵關防

議大行陵費二百餘萬

錄東江功太監魏忠賢王體乾徐應元等及胡良輔全捷郭尚  
各廕錦衣衛指揮同知苗成指揮僉事郭尚禮千戶邊進朝等  
十一人各百戶崔呈秀等廕錦衣衛指揮同知餘賜金幣有差  
乙巳劉宇亮為南京光祿寺卿虞德隆為南京太僕寺少卿  
諭進尊光廟莊妃李氏上念幼時撫育也

丁未雲南道御史楊維垣劾兵部尚書崔呈秀與舊輔馮銓爭權  
誅吳淳夫攻之淳夫一郎官不數月已躋卿貳於是羣趨其門未  
幾河南道關越次用倪文煥其弟凝秀為浙江總兵尤可異者以  
不祥之人經理三殿工程云云呈秀奏辯兼求守制不允

己酉始日講御文華殿禮部侍郎孟紹虞王祚遠中允孔貞

選翰林院侍講徐時泰檢討雷璽龍李若琳保直是日講大學先  
典各首節帝鑑圖說一則上退御使殿召閣臣講官講官示以御

書故事日講官一直講一直讀讀五次御隨讀始講是日免進計

卷三日免講帝鑑圖說改祖訓通鑑

庚戌故太子少保吏部尚書趙南星卒 南星字夢白高邑人高曆  
甲戌進士授汝寧推官已

并權戶部主事登未調文選司員外郎憂去癸巳進考功郎中佐  
計澄如水鏡史料都路事申王三餘黨者相沈一貫賈橫斥一

侍御之借他事削籍家居三十餘年泰昌初起太常寺卿歷工部  
侍郎壬戌冬進左都御史癸亥立內計旋進吏部尚書馮善仇

惡風行斧斷初家居時以丙辰丁巳內計題與印示詩教等亂政  
學矣亥計典著四山論以作之方其入朝也大理寺卿全璽因應

秋知其柄用却迎結惟南星孟都之歎曰吾入山三十年安知士  
風至此乎見大學士劉廣徽以父執自居因力辨之中旨制奪從

無山西郭尚友謀其賊連論成振武衛子清衛成莊浪衛楊三  
成永昌衛而星日短衣執士伍蒙積秘教至巡撫軍志愛護

必需部符方拜卒於戊午年七十八壽贈  
少保諡忠毅子祭葬廢清衛中書舍人

雲南道御史楊維垣又劾兵部尚書崔呈秀貪淫橫肆及吳淳夫

倪文煥李應薦等上未即罪

壬子海盜鄭芝龍鍾斌破海澄入中左所總兵俞咨卑回郡

癸丑順義王卜石兔上表貢馬自萬曆癸丑襲爵與色令台吉生

事屢率眾脅邊七月同哈喇慎王子五格台吉與撫漢撰譽住威

寧海子大同總兵張家禎嚴為備至是始貢

乙卯起岳和聲右副都御史巡撫延綏贊理軍務

丙辰工部都水主事陸澄源上言四事正士習糾官邪安民生足

國用其正士習略曰比來士氣漸降惟稱功頌德為事做臣魏忠

賢服事先帝論功行賞自有常典何至寵踰閭閻爵列三等塔王  
徧宗親京堂濫乳臭也外廷奏疏不敢明書忠賢姓名盡磨君前  
臣名之禮至祝釐徧於海內奔走狂於域中士習漸降莫比為甚  
云云上不問

丁巳巡按直隸御史賈繼春劾崔呈秀不忠不孝報聞

戊午兵部武選主事錢元慈上言適年以來百辟卿士不媚天子  
而媚奸臣至與所賤隸畜緣扳附立躋顯要玷列卿行污瀆朝者  
常伯有續貂之誦爛羊興闕內之謠甚非盛世所宜有也獻臣魏  
忠賢以梟獍之姿供綴衣之役先帝念其服勤左右假以事權群  
小蟻附勢漸難近稱功頌德布滿天下幾如王莽之妄引符命列

爵三等昇於乳臭幾如梁冀之一門五侯徧列私人分置要津幾  
如王衍之狡兔三窟與珍華寶藏積廟室幾如董卓之廊廡自固  
動輒傳旨鉗制百僚幾如趙高之指鹿為馬誅鋤士類傷殘元氣  
幾如節甫之鉤黨誅連陰養死士陳兵自衛幾如桓溫之壁後置  
人廣開告訐道路以目幾如則天之羅鉗吾網先帝念忠賢有驅  
使之微勞之譽言之日至豈料其威權趨附之至此使先帝而早  
知其橫竊亦必有以處忠賢矣即皇上念其勞貸之不死宜勤歸  
私第散私士輸蓄藏使內庭無厝火之憂外廷無尾大之慮魏良  
卿輩既非開國之勳又非從龍之寵安得玷茲茅土污此棄章速  
令解組褫紳長農沒世至若訐獲實之張體乾鍛煉驟貴之楊策



夫頭乘轎之張凌雲委官開棍之陳大同號稱長兒之田爾耕軍  
國吳友之門太始龔翼明等凡為牙爪俱明暴其罪或極或放奸  
黨肅清九流澄澈報聞

已未南京守備太監楊朝浙真織造太監李寶承天守備太監李  
希哲提督太和山太監馮玉天壽山太監孟進並免

刑部廣司員外郎史躬盛論魏志賢罪狀舉天下之廉恥漸滅  
盡舉天下之元氣剝削盡舉天下之官方紊亂盡舉天下之生靈  
魚肉盡舉天下之物力消耗盡報聞

御史吳尚黜劾崔呈秀之去即與魯司寇兩觀之誅何異凡員謹  
而獲免與顯擢而詭得未有不黃緣於呈秀也金珠非異而市麈

擬銓司之擢卿貳之推輒行罷斥不知幾何人也且臺臣法紀之  
司也曾未有一院而四憲臣有之自呈秀始總憲獨坐之位也曾  
未有獨坐而兩有之自呈秀始先帝不豫不親政務而連章累牘  
相繼責而列封廢羣臣謝惡即賓天之日以此定賊臣之罪業而  
魏忠賢之案亦可以言也茅土傳於一時廟食徧於天下誠從賊  
臣以問厥臣能無愧心否

庚申貢生海鹽錢嘉徵上言數魏忠賢之罪曰並帝封章必先關  
白至頌功德上配先帝反奉諭旨必云朕與厥臣從來有此奏體  
乎曰茂后皇親張國紀未罹不赦之條先帝令忠賢宣皇后滅音  
不傳致皇后御前面折逆奸逐羅織皇親欲致之死賴先帝神明

祗膺薄愆不蒸中宮幾危曰弄兵祖宗朝不聞內操忠賢外脅臣  
不內偏宮闈操刀劇刃礮石雷擊曰無二祖列宗高皇帝盡討中  
涓不許干預朝政乃忠賢一手障天仗馬輒斥毒毒措紳蔓連主  
類凡錢穀衙門邊腹重地漕運咽喉多置腹心意欲何為曰剋剝  
藩封三王之國莊田賜賚不及福藩之一而忠賢封公侯伯之士  
而揀選膏腴不下萬頃曰無聖先師為萬世名教主忠賢何人敢  
稱太學之側曰濫爵古制非軍功不侯忠賢竭天下之物力佐成  
三殿居然襲高公之爵覲不知省曰邀邊功建 紀順以榮舊名  
城鐵士女殺大帥神人共憤今未恢復尺寸地廣寧稍捷袁崇煥  
功未克終席未及暖忠賢冒封侯伯假遼陽廣寧復歸版籍又何

以酌之乎曰朕民脂膏郡縣請祠不下百餘計祠費不下五萬金  
敲骨剝髓孰非國家之膏血曰通同關節順天鄉榜二十六日拆  
卷而二十四日崔鐸貼出復上賢書其黃緣要結不可勝數疏上  
報聞

于教大學士朱國禎祭葬諡文廟

東 插漢西攻擺言台吉哈喇慎諸部諸部多潰散或入邊內避  
之

辛酉戶科給事中段國璋劾吏部尚書周應秋

工部 郎中領太僕寺少卿湯齊奏薦 姜曰廣陳仁錫

楊世芳給事中王夢尹黃承吳虞廷陞報聞

許太監魏忠賢引疾辭爵寧國公魏良卿改錦衣衛指揮使東安侯魏良棟改指揮同知安平伯魏鵬翼改指揮僉事

河南道御史倪文煥吏部

郎中周良材劾免

太監涂文輔辭監視倉庫

兵科給事中許可徵劾崔呈秀下吏部勘處

禮科都給事中吳弘業論吏部尚書用應秋南京兵部右侍郎潘汝楨及崔呈秀子鐸倖舉報聞

吏部

張元芳免

釋節漢遣戍

壬戌 上御白講畢召閣臣入使殿出督師王之臣疏示之曰王

之臣自云贅員又云虛拘非內臣牽制之耳可盡撤各邊內臣以  
勅上

巡按直隸御史賈繼春上八事保聖躬正疏體重爵賞敦名成謀  
職業罷祠費開言路矜廢臣報聞

先  
工部尚書吳淳夫太僕寺卿白太始官生尚寶司卿魏撫民並劾

東廠太監王體乾有罪免

明

宗

皇帝實錄卷之

明宗 皇帝實錄卷之

十一月甲子朔巡撫宣府右 都御史秦士文報插漢兒即虎墩  
兔慈爭哈喇慎所分部落謀犯塞宜豫為備時虎墩兔慈傾朝而  
來以舊邊陽讓 殺哈喇免直抵殺胡堡克歸化城奪銀佛者收  
習令色等

戶部主事劉鼎卿劾大學士黃立極報聞

求嚴太監魏忠賢安置鳳陽諭曰朕聞去惡務盡御世之大稽人  
臣無將有位之炯戒我國家明懸三尺嚴絕大慈典至重也朕覽  
諸臣屢列逆慈魏忠賢罪狀具以洞志 思先帝以左右微勞稍  
假恩寵忠賢不報國酬過專逞私殖黨盜弄國柄擅作威福難以



枚舉略數其概皇兄懷寧公主生母成妃李氏假旨革奪金免未  
雷福裕妃張氏

戶部尚書張我續刑部左侍郎張九疇免

初部院曰巨寇魏忠賢竊先帝之龍靈擅朝廷之威福密聽群

奸矯誣善類稍有觸忌肆行慘殺數年蟻誣不知幾許削奪不知

幾許幽囚蔽日沈黑彌天冤抑所積上干玄象致星隕地震歲祲

兵連今魏忠賢崔呈秀天刑已殛臣民之情稍舒而詔獄游魂猶

鬱銅籍與呈秀未伸豈所以成朕維新之治今應復贈即與復贈應

隆卹即與隆卹應復官即與復官應起用即與起用應開釋即與

開釋勿致久淹傷朕好生之意時崔呈秀歸薊州列姬妻并羅列

珍異酒器縱飲一杯即擲壞之已自經

降刑部主事耿應昌三級調外應昌先請裁革東廠再被詰責故

有是命

乙亥工部尚書楊夢允請停新例停准貢停納通判運判停納附  
鑾盛停納王宮長史

丙子崔呈秀子鐸覆試僅構二義命削籍後戍邊

刑部尚書薛貞總督前連兵部尚書劉詔免

己卯廷推閣員五紹虞錢龍錫楊景辰薛三省朱宗道李立

致素生借旨將敢諫忠直之臣羅織削奪又同心腹酷刑嚴拷誣捏  
秘立斃多命他若寔謂痛於杖下柔良苦於立茹臣民重足道路

以目而身受三爵位崇五等極人臣未有之榮通同客氏表裏為  
奸先帝彌留之時猶四恩旨秩亡有紀極賴祖宗在天之靈天厭  
巨惡神奪其魄罪狀畢露朕忍忠賢等不止窺攘名器紊亂刑章  
將我祖宗蓄積貯庫傳國異珍異寶金銀等物比侵盜幾空本當  
寸磔念梓宮在殯姑寘鳳陽二犯家產籍沒入官其冒濫宗戚俱  
煙瘴永戍於戲大奸脫距國典用彰苟麗於辟情罪允孚初上神  
明自揀忠賢黨羽莫發其奸楊維垣首糾崔呈秀始自相攜貳猶  
未刺忠賢也陸澄源錢元愬直罪忠賢至錢嘉徵十大罪乃詳盡  
忠賢不勝憤哭訴於上不動容魏相倚知信邸內監徐應元為上  
所任忠賢屈身事之餽之異寶結弟兄告以辭東廠印應元果為

問是謫忠賢鳳陽祖陵司香命太監張邦詔等稽魏三氏  
諭禮部復先帝成妃李氏封號

釋劉鎮總兵備道 耿如杞獄復原官

吏部尚書周應秋免

工科給事中陳維新論錦衣衛左都督田爾耕報聞

乙丑太僕寺少卿署浙江道御史合肥龔萃肅太僕寺少卿署江

西道御史淄川安伸各劾崔呈秀等報聞

安置徐應元於顯陵明年二月戊鳳陽

張凌雲陳大同各劾免凌雲等俱匠役官太僕寺卿

河南提學副使潘曾銘奏薦前翰林院編修陳子壯方逢年東匠

耿如杞等上是之

丙寅兵部尚書田吉免

戶科給事中李覺斯奏薦東林諸臣前兵部尚書王永光詹事詹  
命官司兼賀達聖原吉士楊汝成馬之驥閔仲儀等宜聞其禁錮  
從之

太僕寺卿劉徽言四事君德主權王道人情報聞

下昨諭兵部曰朕御極以來深思治理而有逆惡魏忠賢擅竊國  
柄竊盜內帑誣陷忠直革官人命恨如狼虎本當肆市以雪衆冤  
茲從輕降發鳳陽不思自懲將素蓄亡命之徒身帶兇刃不勝其  
數環擁隨護勢若叛黨令錦衣衛官拏扭解押赴跟隨解奸即時

續表

大僕寺卿署浙江通御史張文熙奏薦前御史高弘圖糾提督權  
左右合都御史劉志選命削志選籍

度辰徹各鎮內臣諭曰軍旅國之大事必事權一而後號令行之  
和協而後勝算得然勢敵則支謀力均則相擊自非審以期何  
謀出今制勝先帝於寧寧關前軍遠東江等督撫外分達內臣協  
鎮上柄兩操侵尋滋弊比來內外督撫意見參商嫌疑萌搆彼此  
旨令咸稱督員得且相蒙失且相却封疆事重其能堪此矧官官  
觀兵古來有成朕令於各鎮守臣概徹一切相度機宜約束吏士  
無事修備有事卻敵俱聽總督使宜調度無負委任不專體統相

此以藉其口各內官速馳驛回京原領在官器械馬匹如數交督  
撫分給諸將以備戰守開數具奏其自備器械馬匹帶回勿阻

庚午復撫寧侯朱國弼俸

錦衣衛左都督田爾耕孫雲鶴免

部尚書李虞爨巡撫延綏右副都御史朱童蒙免

左副都御史署工料給事中郭興言論崔呈秀魏忠賢之罪上是

之

福建道御史王會圖劾崔呈秀李妻弟蕭惟中本倡家今任密雲

都司濫秩至此報聞

魏忠賢宿阜城尤氏旅舍其黨密報上旨知必不免夜同李

朝欽自經忠賢少飲博無賴至為傭汲忿而自閤客某資之直求  
宮侍皇孫以飲食中初直東宮有風道人宿朝天宮日歌市中曰  
委鬼當朝立茹花滿地紅客氏七量據車過壓塔忠賢祖  
墓直忠賢清橋忠賢後欲報客不再值

卒未禮部儀制郎中劉夢潮論都察院右都御史署順天府尹李  
春茂巡撫山東右僉都御史黃憲卿俱媚祠春茂免春茂奏辦不  
聽

壬申戶部員外郎王守履劾崔呈秀及史料都給事中陳爾翼案  
奸又薦舊輔韓爌等命削呈秀籍追奪告身陳爾翼之疏自牙疳  
命冠帶閒舊輔韓爌清忠有執下所司知之爾翼又疏辨守履當



上早朝御門出班面糾爾翼上以守履突出鐃三級調外

巡撫順天右 都御史覃明調免

平魏良卿鎮撫司獄

登西刑部陝西司主事耿應昌言四事釋繫臣遵法律重詔獄去

尋寤

戶部四川司郎中加貴州布政司右參議劉應邁言天下六大苦

諸臣逮繫諸臣獄死諸臣追贓仕塗去就新進禁錮廷臣被劫上

然之命遠死各臣贓銀盡免之釋其家屬

中成復故太監王安官予祭葬立愍勞祠

樵蕭命官周道登劉鴻訓房壯麗曹思誠是日上詔大臣及吏科

都給事中魏炤乘河南道御史

於乾清宮拜天訖卜之遂

九諸臣各納於金筋筋尖之得錢龍錫李標來宗道揚景辰閣臣  
以時報來孟復得周道登劉鴻訓而次所夾王祚遠為風陸覓之  
無跡事訖則丸落施胤來身後也於是進錫龍錫揚景辰來宗道  
李標周道登劉鴻訓並為禮部尚書兼東閣大學士遣官詔龍錫  
標道登鴻訓

諭月食修省直言

南京兵部尚書劉廷元參太監劉文燿

上林苑監典簿樊維城直糾諸臣最著之賊如 曰吉曰爾耕

吳淳夫及兵部郎中王登三支科都給事中陳爾翼等報聞

庚辰乳媪客氏赴浣衣局掠死太監王文政主訊之招宮人任身者八人蓋出入掖庭多攜其家侍膝觀如呂不韋稍更數月事忍言哉幸天奪之速也子侯國興下獄

辛巳錦衣衛指揮

方弘瓚奏陳本衛利弊且薦南鎮撫司劉

僑前北鎮撫司徐本高上是之

大興知縣饒可久訟故左副都御史楊漣之枉且乞改三朝要典  
上以要典未使輕議鑄二級

壬午御史楊維垣參太監李永貞劉永憲佐逆報聞

工部虞衡郎中劉鍊加太僕寺卿

癸未監生山陰胡煥獻論大學士黃立極施鳳來張瑞圖李國樞

言魏忠賢專權不能匡救且揣意旨專恃違迓浙直建祠各撰碑  
稱頌全宜俱罷又總督 張樸史永安巡撫毛一鷺奏士文王

點姚宗文楊邦憲李精白郭增光巡按卓邁盧承欽許其業劉弘  
光黃憲卿俱請乞加究奪而薦舊輔韓爌 劉宗周 林鈺

故修撰文震孟顧錫疇方逢年庶吉鄭鄞給事沈惟炳郝士膏章元  
儒熊奮渭御史王心一等宜加錄用上以逞臆輕詆下廷訛論杖

除名時法司引卧碑惟生員不許言事律

降大監李實奉御安置南京涂文輔小火司香鳳陽

工部尚書楊夢衮孫志左副都御史李燮龍免

戶部員外郎王守履奏運黨文臣崔呈秀田吉吳淳夫李燮龍

為五虎武臣田爾耕許顯純孫雲鶴楊寰崔應元為五彪

乙酉巡撫貴州左副都御史陸獻明言安位雖以水西為穴而貴陽城北綿亘千里謂之水外步步仲苗時時報賊賊一過河仲苗率起應之在滇則安效良在西粵則泗城等州而蜀之鎮雄四土則皆賊之應援而奢崇明結賊同謀於水內故安邦彥等謀難訓若得蜀兵五萬分扼於永寧遵義滇兵五萬進蹙於憲蓋憲撤一帶黔兵七八萬分布於思播三宜陸廣之東西同時並進既可授首也今滇蜀既無協應黔兵僅五萬止分布一面安能困賊

云云

巡按直隸御史卓邁言司禮太監李永貞習於文字捷於窺賊其

致過於忠賢乞下法司明正其罪遂下永貞獄

為成巡視南城御史王會圖執左都督楊大奇蓋魏忠賢從塔走  
虛溝橋執以聞

故右都督張團紀訴寃復之

丁亥巡按山西御史劉弘言四事勸呂對廣考選辦寃抑惜人才  
上是之

錦衣衛左都督田爾耕削籍籍其家爾耕婪毒好羅織都察院經  
歷許九臬劾之

戊子湖廣道御史曹谷以戶部主事陳此心請解禁錮并改三朝  
要典獨不思要典為三朝慈考作也必不可更報聞

張惟一李魯生潘士聞並辭 寺少卿

己丑司禮太監李永貞戍顯陵初永貞辭任聞忠賢敗其黨徐應元  
王國泰俱危於是魏太監王體乾王永祚王文政各五萬金各懼  
泄以獻內承運庫李永貞知之即遁久而獲之赴戍所

大學士黃立極免賜金幣蔭子高寶司丞遣送行人歲給廩從  
瑞王分封漢中莊田八千頃畝稅三分有司輸納本者不過

頃四川河南協取之

止蘇杭織作諭曰朕自御極以來孜 民力艱苦思與休息惟是  
封種多事征輸重繁未遑蘇露織造雖上供急需朕痛念連年加  
派給繹東西水旱頻仍商困 擾民不聊生朕甚閔焉今將蘇杭

現在織造地方官解進梁棟不必候代即回員闕暫停朕不忍以  
衣被組繡之工重因此一方民稍加軫念用示寬仁俟東西底定  
之日方行開造以稱朕敬天恤民至意

總督倉場戶部尚書蘇茂相言京軍歲放三百餘萬石今京通二  
倉未止百二十六萬九千五百七十三石目前猶以舊積支吾後  
將何繼錦衣衛官於萬曆間僅一萬七千七百六十餘人逆璫增  
積見在三萬六千三百六十餘人多支未二十七萬有奇文思院  
匠官冊七百五十三人今增補見在三千二百八十八人多支未  
三萬餘石乞查覈上從之

曹思誠為都察院左都御史改蘇茂相刑部尚書起霍維華兵部



尚書協理京營戎政張鳳翼為都察院右都御史兼兵部右侍郎  
總督前遠軍務起袁崇煥都察院左都御史兼兵部右侍郎添註  
王應男為都察院右都御史巡撫順天

李師沈自彭辭兼太僕寺卿无祿寺少卿岳駿聲辭兼都察院右  
都御史

太僕寺卿梁夢環劾免

癸巳戶科給事中李覺斯言京中五虎五彪之譏王守履疏具道  
五虎之一臣訪為倪文煥命下文煥獄

雲南道御史楊維垣特留佐大計

是月插漢虎墩免修興 習令色盟歸化城以合犯氣刺喻守

之東行降兀慎擺腰明暗等語

明宗皇帝實錄卷之

明宗 皇帝實錄卷之

十二月甲午朔廷議崔呈秀罪狀有旨呈秀員國忘親通同擅權  
雖死尚有餘辜法司其按律暴其罪

乙未監生王之鼎言大理寺副許志吉借黃山一案害民命免志  
吉尋下獄

吏部右侍郎兼都察院左都御史許宗禮乞休不允刑部左侍郎  
李若珪疾免

賈繼春為右合都御史秦士文為兵部左侍郎

丙申翰林院侍講孫之獬言三朝要典近謂逐魏禁錮人才之書  
意祖宗在天之靈憤然不安乞皇上親序其首仍命史館以處分

魏在事附錄庶要典自明逆黨自正矣

工科給事中加右副都御史陳維新言要典不磨母容更持兩可  
報聞

丁酉叢魏忠賢戚屬諸閣濫厯

戊戌解經傳為右僉都御史巡撫保定謝文錦為南京右僉都御  
史提督操江

己亥上皇嫂張氏專號懿安皇后居慈慶宮

劉漢儒等十一人為給事中甘學潤等十四人為該監察御史  
故貴陽府同知王應昌祭葬立祠廕子世駿錦衣衛百戶

撫寧侯朱國弼論戶部尚書郭九厚媚璫報聞

戊戌吏部

周家椿勅免

崔應元王蒞民魏持衡俱免

耿如杞為太僕寺卿

前寧州知縣劉勅上八頌八箴覲復原官切責之

庚子郭存謙為光祿寺卿

辛丑大學士黃立極施鳳來張瑞圖李國樞奏臣等近為監生胡煥猷疏詆論杜門省咎荷蒙溫綸令臣等入閣辦事臣等恩從來大臣罪過深重至為逢掖書生所指如臣等之辱朝廷而羞當世者也煥猷以魏忠賢碑文責臣等不能拒而阿意為之不知臣等實未嘗為忠賢作碑文也彼其食客游士能為忠賢效筆札工諛

言者何限且假先帝之嚴命索臣等官銜臣等能不與乎與之亦  
臣等之罪也然以忠賢之執取旨如寄而謂臣等敢惜其微銜以  
擲端虎之怒乎至於取旨褒貶則亦徃日一二文書官稱上命使  
依票擬之一言不合則令改票甚則嚴旨切責此事從來俱在臣  
未承乏之先為日已久臣等不盡受罪但票擬不能盡其職計惟  
有見幾之作而彼且操虺蝎之毒以隨臣等之後蓋彼不惟視臣  
等之去就輕而視臣等之生死亦輕也且夫以去就生死爭之而  
有益於國猶若可為也虎狼之性愈觸則愈怒今四年來乳虎蒼  
鷹羅鉗毒網毒徧天下去就生死之爭其效可見於茲矣不得已  
徘徊其間冀有毫髮之益於國則亦少盡臣等區區之心耳

壬寅大學士來宗通進太子太保五紹虞為禮部尚書

癸卯雲南道御史楊維垣加太僕寺少卿

甲辰諭廷臣曰邇者上天垂戒月食太甚傳曰月食修刑得非無事含怨兆民愁苦致然與九卿科道各陳安民察吏富國壽邊之策朕將採行之毋虛文塞責

禁章奏先泄旨抄傳

裁冗祿寺冒官八百二十一人

乙巳太常寺少卿阮大鍼論魏忠賢之罪且辨要典勒入臣名

翰林院檢討陳盟言四川贊畫

寺少卿劉時俊有功被寬

章下所司



釋故大理寺少卿惠世揚御史方震孺獄李承恩論減時刑部尚  
書蘇茂相謂律僭用龍鳳紋杖一百徒三年即使承恩不在八議  
之條亦無死法况世廟之親甥乎上從之

丙午劉漢儒鍾烜楊時化閣可陞仇維貞彭祖壽張鼎廷曹師稷  
祖重輝顏繼祖郭克言為給事中克言南京戶科甘學潤范良彥  
宋景雲張養林熙隆李應期梁天奇羅元賓李炳黃仲華李遵揚  
中樞韓元先朱健為試監察御史朱健南京少保兼太子太師  
部尚書李從心改戶部尚書總督倉場許宗禮仍都察院右都御  
史兼吏部右侍郎劉澤深為順天府尹

任中英為都督

總兵官鎮守浙江徐鎮都為都督

總兵官鎮守居庸昌平

丁未順義王卜石免來貢

故建文臣練子寧裔孫一奎奏求恩卹下部復其官

戊申巡按直隸御史宋禎漢請卹故工部郎中萬燦籍田爾耕孫  
雲鶴張體乾楊寔許顯純諸家報可

己酉巡撫四川廣西尹同昇王尊德並進兵部右侍郎兼右僉都  
御史

南京山東道御史劉漢言四事崇正學以培治本勵廉恥以清仕  
路惜名器以尊體統重耕農以節財用上是之

命吏部清汰加銜其例貢納賢諸生毋優免

太僕寺少卿賈繼春勅李虞夏進卹萬燦劉鐸楊漣蘇繼聲用  
李蒼生張慎言從之

魏良卿侯國興伏誅客元先客璠客元兄弟揚六奇等承戍

裁南京兵部左侍郎

遷給韓爌劉一燦馮銓誥勅致仕

起林釗園子祭酒錢象坤為禮部尚書李康先唐大章為左右侍

郎汪輝為史部左侍郎徐先啟為詹事劉鍾英為園子司業莊澄

昌為左諭德丁進為右贊善

張九德為工部尚書兼又都都御史總督河道提督軍務張維樞

郭增光為工部左右侍郎費兆元丁啟濬為刑部左右侍郎楊所

修為右副都御史張守道為南京工部右侍郎

癸丑李從心仍太子少保戶部尚書攝右侍郎事

甲寅諭吏部凡會典額外官如添註添設者有闕勿推補又文臣非正卿武臣非勳爵總兵官實有功者不得加保傅等銜下吏兵二部嚴加清汰

乙卯大學士施鳳來奏辦胡煥猷引陳平周勃狄仁傑事古人無譏何臣之未諒也

復故意廟裕妃張氏封號卜葬初裕妃悍客氏魏忠賢被譖幽之餓死

文安之為南京國司業

丙辰命定逆案先命五虎五彪下法司議罪刑部議崔呈秀外吳  
淳夫倪文煥當削秩奪誥命田吉李燮龍褫職田爾耕許顯純當  
建論楊寰孫雲鶴崔應元等當削奪上以未下赦法下再擬燮龍淳  
夫文煥吉連職遣戍爾耕顯純論死應元雲鶴寰戍邊

丁巳錦衣衛都督 鄭士毅奉命裁數冒濫言舊額旗役三萬人  
不許命同部科徃

吏部右侍郎許宗禮辭兼都察院右都御史

戊午工部尚書姚思仁進太子太傅

庚申召故御史張慎言等

遷給李思誠吳姓誥勅

前尚寶少卿黃正賓言臣戊大同內臣尅減馬價各軍鼓噪毀官署劫典鋪將吏叩頭求免比時撫按怯內鎮之威莫敢奏聞邊防壞盡即一鎮可推各鎮故閹宦者天下禍本也交結速化作俑者魏廣徵發縱指示者徐大化也大化浙產冒籍京師以考察部郎不二年驟躡尚書督理大工尅減工銀無算程呈谷妬其專利詆於忠賢今間住大化暗瑯局必敗與表姪揚維垣下許住京師徐大化今回原籍

辛酉袁崇煥廢錦衣衛指揮僉事

折嘉興湖州災租有差

時插漢虎墩兔愁駐獨石塞外舊聞平所膏賞且東侵豐州灘套

虜爾鄰勒吉能告援

孝純劉太后祔慶陵初慶陵玄宮稍廣其制故前祔孝元孝和二  
太后今祔孝純適相宜也

是月諭戶部遣叢海外軍餉

遼東 前鋒總兵官朱梅私言達 之喪且議款其語悖上切  
責之

初上御使殿閣章奏開爐煙覺陽升慙動心疑之出步塔城問乃  
定命撤爐香諭司香內官此何來曰宮中舊方上叱之後不許進  
毀其餘太息曰皇考皇兄皆為此香誤也

明宗 皇帝實錄卷之